

**Leeter masa Pawl ma
wuzlalalara a
Følepi hay
Mey da ray
Leeter ngada Følepi hay**

Egøliz daa berney nga Følepi na, ara Pawl ma pa. A pa daa masa anga fa pøkey nga dey cew nga wuzey Mey-maaya-mawiya (SNM 16.6-40). Pawl a wuzlalalara leeter kede a Følepi hay na, daa masa anga daa førsøne. A wudey nga katar suse maja mejøney ata (1.13).

Har-gødan nga ndøhay a wulkam Pawl aa daa førsøne da Rawm, siya a løvam aa daa førsøne da Sezere, siya hay saya a løvam aa daa førsøne da Efez.

Følepi hay a, a cøndamara Pawl aa daa førsøne. Da ray ngene ta', a cakalam dala, a slørdamara Epaferawdit nga handara a Pawl. Asaya, a løvmar a Epaferawdit e nga njamawa ta Pawl amba a jøna daa sløra (4.10-20). Fetede vaw ta car la ga a Epaferawdit. Annga ma key ngama la na, ta', Pawl a løvar nga vøhwa fa Følepi hay nga katar suse.

Mey mahura nga Pawl daa leeter e kede na, ara mey da ray Yesu (2.6-11). Yesu ta mbøkðerwa bay anga ta mewedey anga sem da vad amba a nar ray a Gazlavay, a key cek anda Gazlavay ma wudey. Maja ngene, Gazlavay ta', a pa nga ndaw mahura da ray cek hay tabiya. Maja

ngene, Pawl a løvtar a Følepi hay nga bəsmara banay amba a hətam cek maaya ma fəna.

Kwa Pawl anga daa fərsəne, ta sərey banay la ga maja Yesu, ama ta ngene he cəpa, a ləvey anga ta meesəmey maja aa ma pa Yesu nga ndaw anga fara fara. Meesəmey a ngene daha da wuzlah ndəhay masa macəmkaya ta Bay Mahura, kwa ata daa banay kwa ata ta gədan pəreh.

Daa leeter e kefe na, mey mekele mekele daha nga vəley gədan a ndəhay:

Mey da ray menjey nga Yesu (2.5-11)

Mey da ray menjey nga ndəhay nga Yesu (2.14-15)

Mey da ray ma daw fa mey fa mey daa mey nga Gazlavay (3.12-14)

Mey da ray meesəmey mandaw mandaw (4.4)

Ka da wulkam ba səlak (4.6, 19)

Mecey-har

¹ Ara yah Pawl leŋ Timawte, ndəhay ma ka sləra nga *Yesu *Kəriste, ma wuzlalamakwara leeter kefe.

Ya wuzlalamakwara ngada akwar, ndəhay nga *Gazlavay tabiya daa berney nga Følepi, akwar masa macəmkaya ta Yesu Kəriste. Asaya, ta ngada akwar, *bay-ray hay, ta ndəhay ma jəna ndəhay nga Yesu.

² Anja Papa aləkwa, Bay Gazlavay, ta Bay aləkwa Mahura Yesu Kəriste nga pəsmakwar mey, asaya, nga njadamakwar daa zazay.

Pawl a key ambahw a Gazlavay maja Fəlepi hay

³ Daa masa ya fa wulkey da ray akwar na, ya fa kar suse a Papay Bay Gazlavay maja akwar.

⁴ Daa masa ya fa dərey dangay a Gazlavay maja akwar na, ya faa səmey, ⁵ maja dəga akwar ma təbmara mey nga Yesu haa wure keđe, akwar fa jənmaya nga wuzey *Mey-maaya-mawiya.

⁶ Gazlavay ta zla sləra maaya ha la da wuzlah akwar. Ya səra fara fara a handa la fa mey fa mey, haa aa mendəvey a ta pas masa Yesu *Kəriste ma da vəhwa. ⁷ Masa ya fa wulkey da ray akwar tabiya ta meesəmey kaa na, ara cek maaya kalah, maja ya fa wudkwar kalah. Akwar ta vəlmaya gədan la. Ngene, kwa wure keđe yah daa fərsəne, kwa yah fa mey nga ndəhay ma ka sariya, ya fa wuzdatara Mey-maaya-mawiya na, ara mey fara fara. Maja ngene, akwar tabiya ta hətam mepəsey-mey nga Gazlavay la anda yah.

⁸ Ahaw, ya fa wudkwar tabiya ta mewudey-vaw ma sawa ta fa Yesu Kəriste. Gazlavay a səra, mey adaw keđe ara mey masa fara fara.

⁹ Daa medərey-dangay adaw a Gazlavay maja akwar na, ya faa cəfda amba ka wudam vaw ma fəna ma fəna, amba ka səmra mey masa fara fara maaya maaya, asaya, amba ka səmra cek masa maaya nga key. ¹⁰ Anda keđe,

ka səmra nga wunkey cek maaya ta maaya ba la amba ta pas masa Kəriste ma da vəhwa

1:3 1.3 Rm 1.8-10; 1Kwr 1.4; 1Tes 1.2-3 **1:6** 1.6 2.13; pas masa Kəriste ma da vəhwa: 1.10 **1:7** 1.7 2Kwr 7.3; Ef 3.1 **1:8** 1.8 1Kwr 16.24; 2Kwr 5.14 **1:9** 1.9 Kwa 1.9-10

na, a hətfakwar, akwar ndəhay maaya, manjar mebərey. ¹¹ Asaya, ka da kam cek maaya ta cəved e mandaw mandaw ta gədan ɲga Yesu Kəriste. Anda keđe, ndəhay a da namar ray a Gazlavay, a da həlmamara.

Cek ma təka Mey-maaya-mawiya ɲga daw fa mey fa mey na, daha daw?

¹² Məlma adaw hay daa *mecəmey-ray ɲga ndəhay ɲga Yesu, ya wudəy ka sərmara kwa ya fa sərey banay na, banay a, ta jəna *Mey-maaya-mawiya la ɲga daw fa mey fa mey. ¹³ Fara fara, ndəhay tabiya ma jədmara way ɲga bay, ta ndəhay mekele tabiya fedə, a sərmara yah daa fərsəne na, maja *Kəriste. ¹⁴ Asaya, har-gədan ɲga məlma adaw hay ta pamarə Bay Mahura Yesu la ɲga ndaw ata ma fəna ma fəna maja yah daa fərsəne. Da ray ɲgene, ta hətam gədan la ɲga wuzdamara mey ɲga Gazlavay fa mey fa mey, ta mandərzay daa dey daa ba.

¹⁵ Ya səra fara fara, ndəhay siya hay da wuzlah ata, a wuzdamara mey da ray Kəriste ta səleɲ maja yah, a wudam ɲga nəsmara mezəley adaw. Ama siya hay na, a wuzdamara mey a ta mevel maaya. ¹⁶ Ndəhay a, a kamara anda keđe na, maja fa wudmaya, a sərmara Bay Gazlavay ma slərđiwa fedə amba ya wuzdatara Mey-maaya-mawiya na, ara mey masa fara fara. ¹⁷ Ndəhay masa səleɲ hay heyey, a wuzdamara mey da

1:10 1.10 Rm 12.2; Ef 5.27; Heb 5.14; pas masa Kəriste ma da vəhwa: 1Kwr 1.8; 2Kwr 5.10; Fəl 1.6; 2.16 **1:11** 1.11 Jan 15.8; Jak 3.17 **1:12** 1.12 Ef 3.1; 2Tm 2.9 **1:15** 1.15-17 2Kwr 2.17

ray Kəriste na, a key ηgene, a wudfam nga key sləra nga Gazlavay ta cəved e ba, ama a wudfam nga sərđamaya banay saya a ray masa yah daa fərsəne keđe.

¹⁸ Kwa a wuzdamara mey nga Kəriste ta mevel maaya, kwa ta mevel maaya ba na, mey adaw da hwad a me? Kwa a wuzdamara kwara kwara na, yah na, ya faa səmey maja mey nga Kəriste fa daw fa mey fa mey. Ahaw, yaa səmey la ma fəna, ¹⁹ maja ya səra, banay hay a ηgene a da ka amba ya ləhey * maja medərey-dangay akwar ηgada Bay Gazlavay maja yah, ta mejəney ma sawa ta fa Mesəfney nga Yesu Kəriste †.

²⁰ Cek masa yah ma səkwa, masa yah ma wudfey kalah na, ya wudfey hwaray a kaya da ray menjey adaw ba səlak. Anda keđe, ya wudfey ya njeý ta gəđan dəga wure keđe haa nga sərmataw amba ndəhay a namar ray a Kəriste maja yah, kwa yah ta dey, kwa a kəđmaya vagay.

²¹ ηgada yah, cek mahura daa menjey adaw na, ara Kəriste. Yaw, meməceý na, ara cek adaw mehəteý. ²² Ama da yah ta dey na, ya gwa ya key sləra maaya nga jəney ndəhay la saya. Wure keđe, ya səra cəved masa yah ma da ley saba. ²³ Ya fa wulkey cew cew. Ya wudfey kalah na, ya mbəkda bəla keđe amba ya daw ya njam

* **1:19** 1.19 ya ləhey: Pawl a ləvey mey letek ta masa daa Jəw 13.16.Ndəhay a wulkam Pawl fa wulkey da ray meləhey dasi har nga ndəhay ma nəsmara mezəley anğa, da daa ba, a gwa a bawa daa fərsəne, da daa ba, a daw a njeý ta Yesu da vad. † **1:19** 1.19 Mesəfney nga Yesu Kəriste: Ara Mesəfney nga Gazlavay. Ara Yesu Kəriste ma slərdərwa. Nəka Janj 14.16. **1:19** 1.19 Rm 15.30 **1:21** 1.21 Gal 2.20; Kwa 3.3-4

ta Kəriste. Ara cek maaya kalah. ²⁴ Ama cek mahura ma fəna saya na, si ya njeý ta dey amba ya jənkwar d'agay. ²⁵ Maja ŋgene, ya fa səra fara fara ya njeý da bəla keđe la d'agay, asaya, ya səra ya da njeý ta akwar tabiya amba ya jənkwar ŋga təba mey ŋga Gazlavay ma fəna ma fəna, asaya, amba kaa səmam daa cəved aŋga. ²⁶ Ta pas masa yah ma da daw fa akwar saya na, ka həlmamara Yesu Kəriste la ma fəna saya, maja yah ta akwar.

Si menjeý akwar a key letek anda Mey-maaya-mawiya ma ləvey

²⁷ Cek mahura na, si menjeý akwar a key letek anda *Mey-maaya-mawiya ŋga *Kəriste ma ləvey. Kwa ya ta həteý har la ŋga daw fa akwar, kwa ya ta həteý har daa ba, ya wudəy ya cənda na, akwar manjatakaya maaya maaya daa mey ŋga Gazlavay, mevel akwar macəmkaya letek, akwar fa kədam vaw ta mevel pal, amba ndəhay a təbmara Mey-maaya-mawiya ha ta mevel maaya. ²⁸ Ka da zluram ta masa-gəra akwar hay ba səlak. Akwar ma zluram ba ŋgene na, fa wuzda masa-gəra akwar hay a ata daa cəved ŋga meezəfey, ama akwar na, daa cəved ŋga meləhey. Ara cek masa Gazlavay ma ka. ²⁹ Ahaw, Bay Gazlavay ta kakwar maaya la amba ka təbmara mey ŋga Kəriste. Ŋga təbey mey aŋga daada ba, ama amba ka səram banay maja aŋga may. ³⁰ Zleezle daa masa yah da cakay akwar na, akwar ma hətmaya la ya fa kəfey

vaw ta masa-gəra hay daa sləra nga Yesu. Wure kede, akwar fa cəndamara ya fa kədey vaw saya. Akwar may fa kədam vaw daa sləra ha anda yah.

2

Kam cek anda Yesu Kəriste ma ka

¹ Akwar macəmkaya ta *Kəriste kede na, fa vəkwar gədan, ba diya? Mewudəy-vaw anğa fa vəkwar gədan, ba diya? Akwar macəmkaya ta *Mesəfney nga Gazlavay, ba diya? Akwar fa səram dey-ceceh fa ndəhay, ba diya? ² Anda kede, ya fa ləvkwar, wudam vaw, cəmdamara day akwar letək, cəmdamara mevel akwar letək, mewulkey akwar letək, amba yaa səmey ma fəna ma fəna. ³ Ka da kam cek maja ray akwar daada ba. Ka da pamata ray akwar nga mahura hay ba, ama nəkmata ndəhay anda a fənmakwar, namatar ray. ⁴ Kwa waawa a da səpey cek nga jəna ray anğa daada ba, ama nga jəney ndəhay mekele da wuzlah akwar may.

⁵ Da wuzlah akwar na, kam cek anda Yesu Kəriste ma ka.

⁶ Anğa na, letək ta Gazlavay, ama ta ngenə he cəpa,

ta səpey cəved amba a pa ray anğa
anda Gazlavay daa ba.

⁷ Ama mbak! a mbəkdərwa bay * anğa

1:30 1.30 SNM 16.19-40; Fəl 1.13 **2:2** 2.2 Jan 13.34; 1Kwr 1.10-11; Gal 6.10; Ef 5.2; 1Jn 4.12 **2:3** 2.3 Rm 12.10; Gal 5.26
2:4 2.4 1Kwr 10.24 **2:5** 2.5 Jan 13.15; Rm 13.14; 15.5 **2:6** 2.6 Jan 1.1-2; 17.5; Heb 1.3 * **2:7** 2.7 mbak! a mbəkdərwa bay anğa: Nəka Jan 17.5.

- ta mewedey anğa da vad,
 a pa ray anğa nğa ndaw ma ka sləra nğa ndəhay,
 a yawa, anğa ndaw-magədan.
 Daa masa anğa ndaw-magədan na,
⁸ a pa ray anğa nğa mecəhe,
 a nar ray a Gazlavay mandaw mandaw
 haa a vəlda ray anğa nğa məcey,
 kwa fa hwadam mazlanğalakaya †.
- ⁹ Ara maja ngene, Gazlavay leŋ! a la aa slam da
 vad,
 slam maaya ma fənta slam hay tabiya.
 A par mezəley ma fəna mezəley nğa cek hay
 cəpa.
- ¹⁰ Da ray ngene, cek hay tabiya kwa da vad,
 kwa da bəla kefe, kwa ndəhay
 maməctakaya hay,
 a da həslmar ray a Yesu a,
 a da ragadamata merenğwez ata hay fa mey
 anğa.
- ¹¹ Asaya, ndəhay tabiya a da wuzdamara Yesu
 Kəriste na,
 ara Bay Mahura.
 Anda kefe, a da həlmamara Gazlavay Papan
 maja.

*Wadəm anda wurzla hay ma wadəm da ga-
 zlavay da vad*

2:7 2.7 Jan 1.14; Rm 8.3; 2Kwr 8.9; Heb 2.14, 17 † **2:8**
 2.8 hwadam mazlanğalakaya: Nğa Jəwif hay na, meməcey fa
 hwadam mazlanğalakaya na, ara cek ma key hwaray kalah.
 Nəka Gal 3.13. **2:8** 2.8 Jan 10.17; Heb 5.8; 12.2 **2:9** 2.9
 SNM 2.33; Ef 1.21; Heb 1.4 **2:10** 2.10-11 Iz 45.23; Jan 5.23; Rm
 10.9; CWJ 5.13

¹² Jam adaw hay, daa masa yah da wuzlah akwar na, akwar fa cənmar mey a Gazlavay mandaw mandaw. Ngene ara cek maaya. Ama kwa wure keđe yah da wuzlah akwar daa ba keđe na, cənmar mey mandaw mandaw anda yah da wuzlah akwar cəngga. Ngene ara cek maaya ma fəna saya. Da ray ngene, kamara sləra masa Gazlavay ma vəldakwara haa mendəvey a, ta meney ray ga fa mey anğa. Anda keđe, akwar fa wuzdamara Gazlavay ta ləhdakwar sem. ¹³ Kamara anda keđe maja ara Gazlavay ma ka sləra anğa daa mevel akwar, amba ka wudam nğa key cek masa ma mbafar, asaya, amba ka hətam gədan nğa key cek maaya masa anğa ma wudəy nğa key.

¹⁴ Daa menjey akwar tabiya na, ka da kam cek ta meəngurey-mey ba, ta meyey-mey ba, ¹⁵ amba ka təram nğa ndəhay masa mey da ray ata daa ba, manjar mebərey. Anda meləvey, da wuzlah ndəhay manjar nğa kətəy ta ndəhay manəstakaya hay da bəla keđe na, ka da njam, akwar bəza hay nğa Gazlavay, mebərey fa akwar daa ba. Anda keđe, ka da wadəm da wuzlah ata anda wurzla hay ma wadəm da gazlavay da vad, ¹⁶ maja akwar fa wuzdamatara mey ma vəltar heter mendəvey ba. Da akwar fa kamara anda keđe na, ta pas masa *Kəriste ma da vəhwa, ngene ya gwa ya həsley ray la fa mey nğa Gazlavay maja akwar. Ngene, a wuzdərwa

2:13 2.13 1.6; Jan 15.5; Rm 7.18; 15.18; 1Kwr 12.6; 15.10; 2Kwr 3.5 **2:15** 2.15-16 1.10; Mew 32.5; Dan 12.3; Mt 5.14; 10.16; 1Kwr 1.31; 2Kwr 1.14; Gal 2.1-2; Ef 5.8; 1Tes 2.19

sləra adaw masa yah ma ka ta gədanj la a palah, ara sləra saw ba.

¹⁷ Metəbey mey akwar ara anda cek mevəley a Gazlavay. Kwa da ndəhay a kədmaya vagay, meməcey adaw a tərey anda cek mevəley a Gazlavay a dey cek masa akwar ma vəldamara a Gazlavay. Da anda kedə na, ya faa səmey, ya wudəy amba akwar may kaa səmam anda yah.

¹⁸ Akwar may, maaya na, kaa səmam kəne, anda kedə, sasəmkwa daa slam a.

Mey da ray ata Timawte ta Epafərawdīt

¹⁹ Ya fa wulkey fara fara, da Bay Mahura Yesu ta wudəy la na, daa dər a kedə ya slərda Timawte la fa akwar. Masa ta vəhwa cay na, a kadiwa mey masa aa ma cəndərwa fa akwar, amba mey a, a vəlyə gədanj. ²⁰ Ndaw fa wulkey da ray akwar anda yah na, daa ba, si Timawte pal. Anğa na, fa wulkey fara fara da ray akwar.

²¹ Ndəhay siya hay tabiya a səpam cek si nğada ata gway, a wulkam da ray cek masa Yesu *Kərīste ma wudəy ba. ²² Ama Timawte na, ka sərmara ya kam sləra cew e amba *Mey-maaya-mawiya a daw fa mey fa mey. Anğa ta jənya la ga anda bəzey ma kam sləra ta papaha. Da ray nğene, akwar ta sanğalamara la, ka sərmara anğa ndaw ma ka sləra ta cəved e. ²³ Anda kedə, ya wudəy nğa slərey fa akwar na, anğa. Ya da slərda na, ta pas masa ta dəslmara sariya adaw cay. ²⁴ Asaya, ya wulkey da Bay Mahura ta

2:17 2.17 Rm 15.16; 2Tm 4.6; 1Jn 3.16 **2:18** 2.18 3.1; 4.4 **2:19** 2.19 1.1 **2:20** 2.20 SNM 16.2 **2:21** 2.21 2Tm 4.10

wufey la na, yah may, gweegwe cay, ya daw fa akwar.

²⁵ Məlma aləkwa Epaferawdit, ndaw masa akwar ma slərdamiwa amba a sawa a jənya daa cek hay masa yah ma wufey heyey na, ala ta kam sləra la cew e. Anğa ta jənya la, anda ndaw ma jəney mandala anğa daa vəram. Ama wure kefe, ya wulkey si ya slərdakwara, ²⁶ maja matakwm akwar tabiya fa kar, a wufey nğa hətqwar fa dey. Ta wulkey la ga, maja akwar ma cəndamara vaw ta car la. ²⁷ Fara fara vaw ta car la ga, nekədey a məcey. Ama Gazlavay ta sərfar dey-ceceh la, ta mbəlda sem. A sərey dey-ceceh na, fa anğa pal ba, ama fa yah may. A wufey amba ya sərey banay ma fəna ma fəna ba. ²⁸ Yaw, ya wufey ya slərdakwara fiyaw fiyaw amba da masa akwar ma hətmar la saya na, kaa səmam. Anda kefe, yah kwa, ya gwa ya wulkey ga saba. ²⁹ Ta pas masa ta wusey la na, təbmara ta meesəmey ga, maja anğa məlmakw akwar daa mecəmey-ray nğa Bay Mahura. Həslmar ray nğada ndaw masa anda ngene, ³⁰ maja nekədey a məcey daa sləra nğa Kəriste. Ta təba la nğa vəlda kwa heter anğa amba a jənya maja akwar tabiya.

3

Gazlavay a pata ndəhay nğa ndəhay maaya fa mey anğa na, kwara?

¹ Məlma adaw hay, ehe, ya ləvkwar saya, sasəmam maja akwar macəmkaya ta Bay

Mahura Yesu. Yah na, ya gərey ba nga wuzlalakwar mey masa ya ta wuzdakwara sem, amba a jənkwar nga njeý daa cəved maaya.

² Pam lenjesl ta ndəhay ma ka cek hay maaya ba hay, makəwtakaya anda gədey hay. Ata na, ara ndəhay ma ləvam si ka slam mandawal * amba Gazlavay a təbkwar anda ndəhay anğa hay.

³ Ndəhay maslakaya mandawal fara fara na, ara aləkwa, maja aləkwa ndəhay nga Gazlavay. Aləkwa fa dərkwə dangay a Gazlavay ta gədaŋ nga Mesəfney anğa. Asaya, aləkwa fa həslkwa ray maja Yesu *Kəriste. Aləkwa fa pakwa lenjesl aləkwa a ray kwakwas masa ndəhay ma kamara na, daa ba.

⁴ Da kwakwas a ara cek maaya na, anja ŋgene yah may, ya pa lenjesl adaw la a ray a. Da ndaw a wulkey a ləhey la maja kwakwas a na, yah may, ya fəna ndaw a ŋgene la ga ta mewulkey.

⁵ Yah ndaw *Israyel, daa səkway nga Benjamen. Yah na, ndaw *Hebəre masa fara fara maja papay ta mamay na, ara ndəhay Hebəre hay fara fara. Ya yawa, ya key luma pal, a slamiwa mandawal. Ndəhay ma səpa *kwakwas nga Mawiz fara fara na, yah da wuzlah ata, maja yah ndaw Fariza.

⁶ Ya ta səpa kwakwas nga Mawiz la maaya maaya kalah haa ya sərdəta banay ga ta ndəhay ma təba mey nga Yesu. Da ndaw a wulkey

3:1 3.1 2.18 * **3:2** 3.2 ndəhay ma ləvam si ka slam mandawal: Ndəhay a ara ndəhay maaya ba maja a slam mandawal nga tərey maaya fa Gazlavay ama mevel ata na, ta mbəfdamara daa ba.

3:2 3.2 2Kwr 11.13 **3:3** 3.3 Rm 2.28-29 **3:4** 3.4 2Kwr 11.18, 21 **3:5** 3.5 Lk 1.59; Rm 11.1

Gazlavay a pa nga ndaw maaya fa mey anğa maja aa ma səpa kwakwas nga Mawiz na, anja daa ngene, yah ndaw maaya, mey da ray adaw daa ba.

⁷ Cek hay masa yah ma kata zleezle ngene na, ya nəkta anda cek hay ma jənmaya. Ama wure keđe, yah ndaw nga Kəriste kaa na, ya nəkta cek hay a anda cek hay nga tede. ⁸ Fara fara, ya nəka kwa meeme anda cek nga tede. Ya nəka anda cek nga tede na, maja cek maaya ma fəna cek hay tabiya daha. Cek maaya ha na, ara mesərey Yesu Kəriste, Bay adaw. Ara maja anğa, yah ma mbəkdata cek hay tabiya, ya nəkta anda zay nga tede, amba ya tərey ndaw nga Kəriste, ⁹ ya njam ala macəmkaya cew e. Zleezle ya ləvey, yah, ndaw maaya fa mey nga Gazlavay maja ya fa səpa kwakwas nga Mawiz. Ama wure keđe, ya fa da ləvey kəne daa saba. Gazlavay a paya nga ndaw maaya fa mey anğa na, maja yah ma təba mey nga Kəriste. Ara Gazlavay ma paya nga ndaw maaya fa mey anğa, maja yah ma pa Kəriste nga ndaw adaw fara fara. ¹⁰ Kwa cek mekele masa yah ma wufey na, daa ba. Ya wufey na, si nga sərey Kəriste ta gədan anğa masa ma sləkfdərwə daa meməcey. Asaya, ya wufey ya sərey banay anda anğa ma səra, ya wufey ya tərey anda anğa daa masa anğa ma məcey. ¹¹ Da anda keđe na, ya wulkey Gazlavay a sləkfdədiwa la daa meməcey anda Kəriste.

3:6 3.6 SNM 8.3; 22.4; 26.9-11 **3:7** 3.7 Mt 13.44, 46 **3:9**
3.9 Rm 1.17 **3:10** 3.10-11 Rm 6.8-11; ya sərey banay: 2Kwr
4.10-11; mesləkdey daa meməcey: SNM 4.2; Rm 5.1-7

*Mekey gədan̄ nga daw fa mey fa mey daa cəved̄
nga Gazlavay*

¹² Ya gwa ya ləvey ya ta tərey sem anda *Kəriste na, daa ba. Anda meləvey, ya gwa ya ləvey ya key mebərey saba na, kəne ba. Ama ya fa key gədan̄ ma fəna ma fəna amba ya təba Kəriste ta har cew cew, maja Yesu Kəriste ta təbya sem ngada an̄ga. ¹³ Məlma ad̄aw hay, ya gwa ya ləvey ya ta tərey sem anda Kəriste na, daa ba aran̄. Ama wure ked̄e, ya fa key gədan̄ nga key cek pal daha, ya wulkey da ray cek fa dəba ad̄aw ba, ama ya wud̄ey nga daw fa mey fa mey. Ya hway ta gədan̄ anda ndəhay ma kam kwakurda, amba ya hətey cek masa ya ta hətar daa ba aran̄. ¹⁴ Ya hway ta cəved̄ e, kasl aa mēdəvey a, maja Gazlavay fa zəlyə da vad̄ amba a vəl̄diwa cek nga mahway ad̄aw maja Yesu Kəriste.

¹⁵ Yaw, aləkwa masa mawiyə daa cəved̄ nga Gazlavay saba kaa na, si ya kakwa kəne. Da akwar fa səpam nga key cek wal na, Gazlavay a jənkwar la nga səra cek masa maaya nga key ta cəved̄ e. ¹⁶ Cek mahura na, nakwa mandaw mandaw taa cəved̄ nga Gazlavay masa n̄geeme aləkwa ma nakwa da hwad̄ a.

¹⁷ Məlma ad̄aw hay, akwar tabiyə kam cek anda yah. Nəkam dey fa ndəhay ma kam cek anda ala, kamara kəne. ¹⁸ Ndəhay ga menjey ata fa wuzdərwa ata na, masa-gəra hay nga Kəriste

3:12 3.12 1Tm 6.12; 2Tm 4.7; Heb 12.1 **3:14** 3.14 1Kwr 9.24-25

3:16 3.16 Gal 6.15-16 **3:17** 3.17 1Kwr 4.16; 1Pi 5.3

† ma məcey fa hwadam mazlanğalakaya. Ya ta kadakwara mey a kefe la dey ga. Wure kefe, ya fa kadakwara saya ta matəway daa dey.

¹⁹ Pas masa dar ata daa saba na, Bay Gazlavay a da kəzlata aa awaw magaza. A wudam cəved nğa Bay Gazlavay ba səlak, ama lenğesl ata, mapakaya mandaw mandaw da ray cek hay masa mevel ata ma wudəy. A kam cek hay ma ka hwaray, ama faa səmam da ray cek hay a. A wulkam si da ray cek hay da bəla kefe gway.

²⁰ Ama nğada aləkwa na, wulkakwa da ray slam da vad, way aləkwa menjey fara fara. Aləkwa fa səkwakwa Yesu Kəriste, Bay aləkwa Mahura ma da sawa da vad. Ara ndaw ma da ləhdandakwar.

²¹ Vaw aləkwa masa ta gədan daa ba, ma da məcey kefe na, Yesu a da tərda nğa vaw masa ta gədan, letek ta vaw anğa. A da tərda vaw aləkwa na, ta gədan masa anğa ma da wey da ray cek hay tabiya ta anğa.

4

¹ Da ray nğene, məlma adaw hay mawudtakaya, njam maaya maaya daa cəved nğa Bay Mahura anda yah ma ləvkwar. Ya fa wudkwar kalah, matakwan akwar fa kaya, ya wudəy nğa hətkwar fa dey saya. Ya faa səmey

† **3:18** 3.18 masa-gəra nğa Kəriste: Ndəhay a wulkam Pawl aa guzley da ray ndəhay ma ləvam ata ndəhay nğa Yesu ama mey da ray meməcey nğa Yesu a tərdata ndəhay maaya fa Gazlavay na, a cəndamara ba. A wulkam si ndaw a səpa kwakwas nğa Mawiz amba a tərey maaya fa Gazlavay. Nəka 3.2. **3:18** 3.18 1Kwr 1.23; Gal 6.12 **3:19** 3.19 Rm 16.18 **3:20** 3.20 Ef 2.6; Heb 13.14 **3:21** 3.21 Rm 8.29; 1Kwr 15.25, 28, 43-53; Kwa 3.4

da ray akwar, maja akwar ma wuzdamara sləra adaw ara sləra maaya.

Cek hay maaya nga key

² Waa Evawdi ta Sintik, ngusay daa *mecəmey-ray nga ndəhay nga Yesu, ya kakwar ambahw, cəmam dāy maja akwar macəmkaya ta Bay Mahura. ³ Yaw, kah Sizige *, məlma adaw maaya masa yah ma kakwa sləra cew e, ya kaka ambahw may, jənta ngusay a amba a njam daa zazay. Ya ləvka anda kedə na, maja ala ta kədam vaw la ga bama ta ngusay a daa sləra, amba ndəhay mekele mekele a təbmara Mey-maaya-mawiya. Ala ta ngusay a, ya ta kam sləra la bama ta ata Kəlemanj lej ndəhay mekele hay ma jənmaya daa sləra ha. Gazlavay ta wuzlala mezəley ata sem cəpa aa dərəwel nga ndəhay ma da hətam heter mendəvey ba.

⁴ Sasəmam mandaw mandaw maja akwar macəmkaya ta Bay Mahura. Ya fa ləvkwarsaya, sasəmam.

⁵ Kam cek maaya amba ndəhay tabiya a nəkmakwar akwar ndəhay meekwed-mey hay. Kamara kəne maja gweegwe † Bay Mahura a vəhwa. ⁶ Ka da wulkam ba səlak, ama daa cek hay tabiya ma fənkwar ray na, kadamara a Gazlavay, dərmar danğay, cacəfdamara nga

4:1 4.1 1Tes 2.19-20 * **4:3** 4.3 Sizige: Ara mezəley ta mey Gərek ma wufey nga ləvey «mandala daa sləra». **4:3** 4.3 SNM 3.5 **4:4** 4.4 2.18 † **4:5** 4.5 gweegwe: Mey Gərek a ləvey: «Bay Mahura gweegwe.» Ndaw a gwa nga cənda anda mawuzlalakaya, da daa ba, a gwa nga cənda «Bay Mahura aa gweegwe ta aləkwa mandaw mandaw». **4:5** 4.5 1.10; Rm 13.11-12; 1Kwr 16.22; Heb 10.25; Jak 5.8; 1Tes 5.1-2

jənkwar, kamar suse. ⁷ Da akwar fa kamara anda kede na, Gazlavay a njadakwar la daa zazay, maja akwar macəmkaya ta Yesu *Kəriste. Zazay a, a fəna lenjesl nga ndaw. Da zazay a daha na, akwar fa da wulkam daa ba.

Kam cek hay maaya

⁸ Məlma adaw hay, ya wudey ya ndəvda mey adaw dəba. Ya ləvkwar, pamara lenjesl akwar a ray cek hay maaya, masa ndəhay maa səmam da ray a. Anda meləvey, mey masa fara fara, cek masa ndəhay maa həmdamara, cek masa ta cəved e, cek manjar nga zləbey, cek ma mbafatar a ndəhay, len cek masa ndəhay maa guzlam da ray a maaya. ⁹ Cek hay a tabiya masa yah maa sərkadakwara, len masa akwar ma təbmara, masa akwar ma cəndamara fa yah, ta masa akwar ma hətmər fa yah na, kadamara sləra. Da akwar ta kadamara sləra ta cek hay a cəpa la na, Gazlavay, ndaw ma njadata ndəhay daa zazay, a njeý la ta akwar.

Pawl a katar suse a Fəlepi hay

¹⁰ Ya fa kar suse a Bay Mahura Yesu, ya faa səmey ga maja akwar ta hətam cəved nga jənmaya la saya. Zleezle, akwar fa wulkam da ray adaw fara fara nga jənmaya, ama menjeý ga, akwar ta hətam cəved daa ba, si wure kede. ¹¹ Ya ləvkwar anda kede na, a key ya rəkey maja viya fa kaya ba. Yah na, ya taa sərkey sem nga njeý ta meesəmey da ray cek da har adaw

4:6 4.6 Ps 37.5; Mt 6.25; 1Pi 5.7 **4:7** 4.7 Jan 14.27; Kwa 3.15

4:8 4.8 Rm 12.17-18 **4:9** 4.9 3.17; 1Kwr 13.11

gway. ¹² Anda meləvey, kwa yah daa viya, kwa zleley adaw ga, ya səra menjey kəne. Kwa cek mezəmey daha, kwa may fa caya, kwa ya ta cek hay ga ma fənmaya ta gədaŋ, kwa cek a wusya ba na, ya taa sərkey menjey ta zazay cay. Kwa daa banay, kwa daa wiya, ¹³ ya gwa ya key cek tabiya maja *Kəriste fa vəlya gədaŋ. ¹⁴ Ta ŋgene he cəpa na, akwar ta jənmaya la ga daa banay adaw cəŋga.

¹⁵⁻¹⁶ Akwar, Fəlepi hay, sərfaɖamara zleezle masa yah ma zlar ŋga wuzey *Mey-maaya-mawiya ŋgeeme fetede heyey. Daa masa yah da Tesalawnik na, akwar ta slərmaya cek hay la dey ga ŋga jənya. Masa yah ma mbəkdərwa hwayak ŋga Masadəwan tabiya la na, ndəhay daa Egəliz hay mekele ta jənmaya daa ba, si akwar gway. ¹⁷ Ka da wulkam a key ya səpey dala fa akwar ba, ama ya wufey ka kamara anda kede maja ya səra Bay Gazlavay a pəskwar mey la maja cek hay a masa akwar ma vəldamiwa.

¹⁸ Ya fa ləvkwar, cek hay tabiya masa akwar ma slərdamiwa ta har Epafərawdit na, ta wusdərwa la. Cek aha ta wusya la haa a fəna masa yah ma wufey. Wure kede na, cek ma həcyə daa saba. Cek hay masa akwar ma vəldamiwa ha na, aa maaya kalah a mbafar a Gazlavay anda cek hay mevəley ŋgada aŋga masa mezey maaya.

¹⁹ Gazlavay aləkwa aŋga ta zleley masa ma ndəvey ba. Da ray ŋgene, cek masa da har

4:11 4.11 1Tm 6.6-8; Heb 13.5 **4:13** 4.13 2Kwr 12.9-10
4:15-16 4.15 2Kwr 11.8-9 **4:15-16** 4.16 SNM 17.1 **4:17**
4.17 1Kwr 9.11 **4:18** 4.18 2.25; Lev 1.9, 12-13, 17; 2.2; 3.5

akwar daa ba na, a vəkwar la, maja akwar macəmkaya ta Yesu Kəriste. ²⁰ Anja ndəhay nga həlmamara Gazlavay Papa aləkwa mandaw mandaw nga səmataw. *Amen.

Mey nga madagway-dakw

²¹ Camatar har a ndəhay nga Gazlavay tabiya macəmkaya ta Yesu *Kəriste. Məlma aləkwa hay daa *mecəmey-ray nga ndəhay nga Yesu masa ala bama fede a camakwar har may. ²² Asaya, ndəhay nga Yesu tabiya, a camakwar har. Fara fara ma camakwar har a ga kalah na, ndəhay ma ka sləra da way bay da *Rawm.

²³ Anja maaya nga Bay Mahura Yesu Kəriste nga njeý ta akwar.

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811